

東瀛紀事

東瀛紀事

簡林豪卓人

卷下目錄

官軍收復彰化縣

塗庫拒賊始末

翁仔社屯軍

戴逆伏誅

慙虎戕伏誅

餘匪

災祥

叢談上

叢談下

附錄

東瀛紀事卷下

鷺江 枋 豪 卓人

官軍收復彰化縣始末

同治二年冬十月新任臺澎兵備道丁曰健

述安安以
歲舉人

以

兵抵竹塹先是在籍道員林占梅奉檄辦團起兵拒賊
既復大甲梧棲港等處絕其接濟議帶兵規復彰邑爲
忌者所阻是時官軍與城賊相持日久各罷敝不相下
已而巡撫徐宗幹仍檄催占梅進兵占梅覈陳大畧謂
賊本烏合之衆死踞孤城其勢難久我軍前後進剿非

不能戰乃迄久未克者誠以諸軍皆由鹿港進兵賊已
脩悉虛實故也若得省垣遣一大員由淡水登岸沿途
招兵選勇以壯聲勢然後某統練勇數千同時南下一
路剿撫並行賊聞風胆落將不戰自下矣兵有先聲而
後實者此也徐中丞驥之而兵脩道洪毓琛臨終遺摺
亦請另遣大員到臺辦賊徐宗幹隨會同太子少保閩
浙總督左宗棠季高湖南舉人大學士伯晉二等侯奏請以丁曰健授臺
澎兵脩道主事周懋琦子玉州拔貢叅謀軍事督副將關
鎮國等軍由淡水南下俟克復彰化始赴郡接任丁道

前爲嘉義令歷淡水同知有威望集其故吏門生舊時
部曲選兵勇三千餘名遂抵竹塹廳治與林占梅刻期
進兵初八日丁道進屯牛罵頭張世英陳捷元王楨鄭
榮諸軍皆會紳士蔡懷斌蔡鴻猷楊清珠皆以鄉勇從
攻福州厝水返厝拔之十六日林占梅率紳士翁林萃
陳尙惠等督勇首林忠藝林南山鄭義諸軍三千進扼
山脚庄幟上書保順安良四字謂歸順者保全之良善
者安撫之一路號令嚴肅道傍耕夫荷鋤而觀皆謂此
行必能辦賊也以茄投爲彰邑鎖鑰而山脚爲茄投咽

喉故密致山脚人林山林尙兄弟爲鄉導使招其附近
村庄納欸散給白布條蓋戳記爲號密約衣襟間有白
布者皆良民官軍不得擅殺莊民被脅者爭向軍營支
領并運巨礮數尊沿途演放聲震山谷賊黨大懼歸順
者愈衆時陳鯁踞茄投趙憨踞大肚溪何守踞水師寮
未下而茄投一帶背山倚海地勢如長蛇賊據守尤力
二十七日占梅率諸軍分道並進賊退入礮樓我軍冒
雨環攻之擒蓄髮賊數人其良民被脅者占梅命人爲
之剃髮賞盤費遣之去轉相傳佈遠近皆傾心焉於是

何守由林尙乞降水師察何厝庄皆豎官軍旗號而茄
投各庄總理亦相率納款遂分兵攻大肚是時賊氛尙
熾各軍至中途不敢進惟林忠藝以所部越茄投而南
轉戰至大肚溪招賊黨陳番嬰來降番嬰意未決忠藝
馳入其壁諭以利害拔賊紅旗豎官軍白旗陳鯁大懼
空壁遁忠藝與番嬰縱兵邀擊擒鯁愛妾蔡美娘奪僞
印僞令器械甚多以兵少不敢窮追乘勢擊趙慙走之
十一月林占梅縱降將■入城約爲內應遂進軍彰
化北門羅冠英掃清凍東一路相應時慙虎晟竄匿四

塊厝戴逆久處斗六門以江有仁陳梓生鄭猪母盧江
劉安輩守城羣賊見勢不支皆有降意唯江有仁持不
可初三日林占梅前鋒林忠藝林尙等攻入彰化北門
生擒僞軍師江有仁黃旭日僞都督鄭猪母僞先鋒王
城等誅之陳鯁陳梓生陳在劉安趙憨盧江陳狗母諸
賊皆開東門遁先是城賊於初二日聲言明日當悉銳
攻鹿港及後港仔口軍營故鹿港諸軍皆戒嚴防守是
日西門外壘賊尙與鹿港官軍鏖戰勢張甚見城上已
立白旗乃倉皇遁去蓋林忠藝入北門良久而西南城

外賊與官軍皆未知也丁道旋往鹿港畱占梅一軍暫駐彰化城中以防不測賊多入戇虎晟巢穴復乘夜謀營官軍有脩拒却之僞脩糧使司蔡茂猪爲坑仔內蔡姓所執丁道命支解之時丁曰健所過被脅賊庄立行剿洗以振軍威惟林占梅謂脅從罔治數爲緩頰全活無算凍東林姓請占梅乘勝進討逆晟願爲鄉導而當道忌之不果十二月總辦臺北軍務浙江補用道林占梅振旅還竹塹

三年三月石榴班降賊張三顯復糾陳鯁陳在陳梓生

陳狗毋趙愍洪叢葉清葉中王春等謀作亂彰化城外
市仔尾街及東北一帶餘黨俱應之皆執青旗爲號先
是張三顯執送戴逆自以功大賞薄頗懷怨望遂謀不
軌二十七日賊黨千餘攻城勢甚猖獗知縣凌定國乘
城堵禦幾不支義首林大用聞變來援賊退踞市仔尾
搶掠時提督林文察諸軍攻小埔心未下皆回軍堵禦
幸西南一帶泉庄及鹿港義民相率赴援賊乃潰散三
顯爲其族人所執伏誅彰化平

詔加臺灣道丁曰健二品頂戴在籍道員林占梅

賞加布政使銜其餘將士進秩有差

論曰戴逆之亂其出死力與賊相拒者惟泉屬紳民爲多蓋臺灣漳泉民各分氣類積習已久賊若得志必修舊怨於泉故泉人終不樂爲用是以葉虎鞭枕大用何守林尙皆泉人也四人來歸而賊已潰其籬籬翦其羽翼而無能爲矣雖然虎鞭降於鹿港僅足以佐守鹿港何守林尙降於淡水遂用爲前驅以平彰化則運用之妙又存乎其人耳

塗庫拒賊始末

同治元年春嘉義義民陳澄清起兵拒賊鹽水港各莊俱應之澄清小名覲塗庫人性明決知兵任戰有友十餘人皆勇敢有氣緩急可恃澄清待如手足偵戴逆有異謀遂於所居竹圍外築垣掘濠造砲樓佈竹釘聚米鹽食物作三年蓄左近田園皆種地瓜挿山箐以防不給及事發倡言拒賊事事皆辦於是附近粵庄暨鹽水港聯庄固守皆倚以爲重焉

七月總兵林向榮駐師斗六澄清數爲運餉嘗一日七

戰三襲賊營林鎮獎以五品銜及名馬珍物迨官軍移入土城要害爲賊所據而餉始難達矣斗六旣陷賊恨澄清移攻之新民庄陳廷順無底潭楊姓皆附賊來攻清拒戰三年未嘗敗黃丕建嘗帶賊五百來犯過埔姜庄派飯生員劉豐慶漫許之賊旋爲澄清所敗走五六里乃息時飯甫取至或笑曰此等不耐殺之徒乃欲作賊混飯吃耶賊忍饑遁

澄清所居與土庫街毗連陳弄嚴辦以大股賊踞街中時鋪戶皆罷市澄清設伏以待遣壯士蘇阿傳率十餘

人假賊旗號徑至街中令曰我元帥諭爾輩安堵貿易如常違者斬賊駭顧間而傳遽大呼殺賊而出賊集衆追之伏兵突起來擊傳斫死數賊且戰且行及回營不傷一人

傳與吳仔嬰陳瑞基吳懃仔王明俱驍勇敢戰賊憚之謂之五虎

戴逆嘗以書招澄清清絕之及弄踞土庫街誓滅澄清始返清兄必湖挺身謁弄弄露刃見之必湖笑曰始吾以大哥爲豪傑故傾心相向今始知非欲成大事也不然如愚兄弟亦足効指臂而大哥見拒何耶弄曰汝果欲降吾豈相拒但未必然耳必湖因說之曰我兄弟欲

降久矣然不假重權無以令衆如肯賜一將軍名號當
於明早豎旗相應也弄喜延之坐以僞令與之警備稍
懈必湖歸即傳集義勇約五鼓併力攻賊而是夜三更
澄清已潛遣人燒燬街尾店屋以阻賊歸路弄見火起
始大驚知爲必湖所紿於五鼓前已踉蹌遁去

澄清之治軍也禁賭禁洋烟禁奸盜賞罰嚴明多縱偵
探故賊之聲息皆知出軍不言所往惟馬首是瞻雖至
親無能測者常以一軍與賊持乘砲聲連發之頃從間
道襲賊後或燒賊營賊見背後火起方忙亂間我軍乘